

MELEKITSEDEKE, MOKGOMA

Yo MOGOLO LE KGOŠI

 Moso, bagwera. Ka kgonthe ke thabile go ba fa mosong wo, ka go moso wo mobotse wo wa marega; letšatši le phadima go taga; dipelo tša rena di thabile. Ge ke be ke dutše ka kua le Mor. Mna. Beeler, ge a be a sa dira dikgatišo, tša Moya wo Mokgethwa o wela godimo ga moago, gomme batho ba hlalala, bana ba thabile. Re leboga go ba re phela le magareng ga bao ba ka kgonago go tšwela ntle lehono ka ditirelong. Bjale, re leboga yo mongwe le yo mongwe wa lena.

² Gomme ge diašara morago kua, ge yo mongwe a etla ka gare, ba ne ditulo tsoko tikologong fa, ba ka dula morago aletareng, gomme karolo ye nngwe ya panka mo, ka pele, le yona, ge—ge batho ba etla ka gare moragwana gannyane.

³ Bjale, beke ye e latelago ye re thoma bakeng sa leeto la ngwaga bjale, leeto le lengwe la lefase. Go thoma go latela, la—la 12, leo ke Laboraro le le tlago le, ka Chicago, ka kerekeng ya Philadelphia le ka lesolo. Gomme ka gona ke a nagana, go tloga fao, rena, mosong wo, go tloga . . . Go thoma go la 3 la Febereware, re thoma nako yeo ka Lubbock, Texas, ka go—go Cotton Bowl Auditorium kua ka Lubbock, Texas. Morago, go tloga fao, go ya Phoenix. Gomme morago go ya go pontšho ya leruo magareng ga Los Angeles le Kgoro ya Borwa, ka California. Gomme morago, ge Morena a rata, re nyaka go ya Honolulu, go tšwa kua.

⁴ Bjale, ka kgonthe ke thabela batho bohole bao ba rapelago. Ge ba ka no kgopela Morena, letšatši le lengwe le le lengwe, thapelo ye nnyane bakeng sa go phelega ga ka—ga ka. Ke . . . Le ka se tsoge la tseba, lehlakore le la Bokagosafelego, ke tshepetše gakaakang go lena go nthapediša ge ke sepetshe.

⁵ Ke lebogile go kwa Ngwanešu Tommy, mosong wo, ka bopaking bja gagwe, bja ka fao Modimo, a nago le matsogo a Gagwe a bulegile, ka mehla a rata go go amogela. Ga go kgathale se o se dirilego, O sa ne matsogo a Gagwe ntle go amogela soulo ye nngwe le ye nngwe e sokologilego ye e tla tlago go Yena, go sa kgathale se o se dirilego goba sebe ke se segolo gakaakang. Ka mehla O rata go lebalela. Modimo a go šegofatše, ngwanešu wa ka yo moswa.

⁶ Bjale, ke be ke hlokometše dipolo go tšwa kopanong ya Lamorena la go feta, batho bao ba rapeletšwego. Re na le dipoledišanonyakišo tše nnyane, sephiring, go hwetša batho . . .

⁷ Ke a le botša, le a bona, bagwera, lebaka le re se nago ditirelo tša phodišo mo, le a kwešiša, ga re na le kamora e ka ba efe ya go lekanelo go hlokomela batho. Ke ka tsela ye go lego. Ga se ya ke ya tsebišwa, ditirelo tša phodišo ka tabarenekeleng mo, le ge re rapelela balwetši nako le nako ge ke le mo.

⁸ Gomme diotithoriamo di bothata go hwetšagale, le go ya pele. Gomme lena basetsebje le lego ka dikarolong tša go fapano tša naga, le tlago ka gare, ga go na batho ba bantši kudu ba Ebangedi ya go tlala thwi ka setšhabeng goba, go le bjalo, goba ka ditikologong tša fa. Eupša ba . . . Ga se bohle bao ba thekgago dikopano ka tšelete, goba go dirišana ka dikopanong, a ke re, e lego batho ba Ebangedi ya go tlala, gobane go ne ba bantši ba bona e lego dikereke tša go fapano. Ga re leke go emela mokgatlo wo o itsego wa kereke. Feela, re leka, ka thušo ya Modimo, go emela Morena Jesu Kriste, le-le go lokologa go bohle, yo mongwe le yo mongwe.

⁹ Ke no, bakeng sa le tee, ke hlokometše, ka Lamorena la go feta ka kamoreng, go be go le ngwa—ngwa ngwanešu wa lekhalate yo a sa tšwago go phološwa kgauswana, dikgwedi di se kae tša go feta, le mosadimogatša morategi wa gagwe. Gomme o be a le segole, a ikokotleta. Gomme o be a phatlogile gampe. Gomme ge ke sa bolela le yena ka mabaka a sephiri, ka ofising ya matikone, ka poledišanonyakišo ya sephiri, bjalo ka ge a leleditše pele le go dira ditokišetšo di dirwe. Lamorena le lengwe le le lengwe, re na le tše ntši re ka kgonago go di hwetša Lamorena le lengwe le le lengwe. Ke ikwela, ge ke dutše fale, le tšhušumetšo ya Moya wo Mokgethwa, gabaneng, . . .

¹⁰ Mohumagadi o be a sa tšwa go ya ntle kua, o be a le godimo ga mahlotlo, yo a bego a tlogetše . . . a ilego ntle, a sepela ntle le wona.

¹¹ Gomme monna yo, ka kgontha a dumela Morena Jesu, gabaneng, o rapeletšwe, ka go phatloga go gogolo ga go tšoša. Gomme ke mmoditše, ke rile, “Bjale, go phatloga gola go tla thoma, go tloga yona nakwana ye, go ya morago go lefelo la gona.” Ke rile, “Bjale ge go—ge go eya morago, nako yeo go šetše ge go sepelela morago, seo se tla go fa tumelo ye ntši.”

¹² Le a bona, tumelo e swanetše go thewa godimo ga se sengwe, e sego feela kgopoloy a nonwane. E swanetše go ba le se sengwe, motheong, go ema godimo ga sona; tumelo e a dira. Gomme ke ka lebaka leo re dumelago gore Lentšu la Modimo le ruta phodišo Kgethwa, tokologo ya soulo, tokologo ya mmele. Gomme re e thea godimo ga Lentšu la Modimo la ka Gosafelego.

¹³ Gomme ke rile go ngwanešu, “Bjale, gore o ke o tsebe gore ke go boditše Therešo.” Ka gore, go mmona pele ga ka ka ponong, ke rile, “O tsee, ge o eya gae, gomme o swinelele go dikologa go phatloga fao, lenti, gomme o le ele. Gomme morago ripa lenti leo, gomme o se le kgwathe gape go fihla Lamorena la go latela.

Gomme pele o etla godimo, tšea leo, tšea lenti le lengwe gomme o tate go dikologa leo, gomme ntlišetše phapano ye e hunyetšego ka go manti."

O rile, "Ke tla e dira."

¹⁴ Gabotse, lenti šele, e ka ba intšhi le seripa e ripilwe go tloga go lona, ka mokgwa woo. Mo go dutše monna, monna, feela gore le kgone go bona se se diregilego.

¹⁵ Bjale, se sengwe se diregile. Ga se ka ke ka tsoge, ka bophelong bja ka, ka bona nako e ka ba efe ye Modimo a kilego a bolela e ka ba eng, goba go e bolela ka pono goba kutollo, eupša ye e bilego tlwa ka tsela ye Modimo a rilego e tla ba, le a bona, feela tlwa.

¹⁶ Mosadimogatša wa gagwe, Lamorena la go feta, a etla, o be a sepela ka go ikokotlela ka lehlotlo, goba lepara, lehlakanoka. Gomme ke mo hlokokametše lehono. Yena, ka fale, o be a sa kgone go sepela, le gannyane. Yena, ke mmuditše gore Morena o tla mo dira a welwe ke maruru. O be a na le le—le leoto le le bego le thatafaditšwe. Gomme ke mmone a sepelela godimo, o be a šikere lehlotlo la gagwe legetleng la gagwe ka kua. Gomme šo yena lehono.

¹⁷ [Kgaetšedi o re, "Tumišang Morena. Ke nna mohumagadi."—Mor.] Go na le—go na le mohumagadi yo mongwe, yo mongwe wa bona go tšwa tlase... Mang? Yoo e be e le... O be a le ka bothateng bjo bo bjalo, ka malwetši a mantši kudu, Lamorena la go feta, gomme a golofetše. Gomme o dula tlasetlase felotsoko tikologong ya Georgetown, a ga se yona, mohumagadi, goba felotsoko tlase ka kua? ["Georgetown, Indiana."] Georgetown, Indiana.

O rile, "Eupša, Ngwanešu Branham, ke tšofetše."

¹⁸ Ke rile, "Eupša Abraham o be a le, le yena, yo mogowlane kudu go go feta, ge a kgopetšwe go dumela se sengwe seo se bego se sa kgonege." Gomme o se amogetše, gomme šole yena.

¹⁹ Gomme mohumagadi yo mongwe šo o dutše thwi ka morago ga mohumagadi yo ke bego ke bolela ka yena, thwi ka morago ga monnamogatša wa gagwe mo. Mohumagadi wa lekhalate, a dutšego thwi fa; le mohumagadi yo mongwe, morago fale.

²⁰ Manti, bakeng sa mabohlatse. Lehlotlo le ile, bakeng sa mabohlatse. Jesu Kriste o a phela le go rena, bakeng sa bohlatse bjo bo phagamego gore O tsogile go tšwa bahung gomme o ne rena letšatšing le. Re Mo leboga bjang go tšwa mabotebong a pelo ya rena, gore O sa phela. Yena ga se a hwa. O tsogile go tšwa bahung, gomme o phela magareng ga ba ba hwago lehono, ka mehla o a rata, o kgona go dira ka go fetiša, ka bottlalo ka godimo ga tšohle re ka kgonago go di dira goba go di nagana. Re Mo tumiša ka pelo ya rena yohle, bakeng sa botho bja Gagwe bja go botega go rena.

²¹ Bjale bonang ge eba go ne . . . A go ne dipanka tše dintši ka fale? [Ngwanešu Neville o re, “Go ne tše dingwe tše kgolo morago fale.”] Go lokile. Ba ne tše dingwe gape, tšeо re ka kgonago go no ba tliša ntle mo le go ba bea sefaleng, ge le rata.

²² Bjale, bakeng sa thuto ya sekolo sa Lamorena, re tla . . . E bile sebaka sa ka, go ruta, feela gannyane go dithuto tša sekolo sa Lamorena. Gomme re ya go, ge Modimo a rata, go leka go fetša thuto ye re e thomilego matsatši a se makae a go feta, fa ka go ke—ke kereke, Malamorena a se makae a go feta.

²³ Gomme bjale, Ngwanešu Junior, mohlomongwe, mohlomongwe ba tla tliša . . . Ke a makala ge eba bokaone le ka dula godimo fa mo sefaleng, gomme la no dumelela ba bangwe ba bahumagadi . . . O ka kgonago go e tliša thwi morago mo, mohlomongwe, le go e dira bo—bo bokaonana go feta se e tla bago sona, go e tseela godimo ka pele. Gomme ka pela ge tlelase ya sekolo sa Lamorena e imollwa ka kamoreng yela, go tla ba le ditulo tše dingwe gape, ditulo tše ntši di le komana.

²⁴ Bjale, ge yo mongwe yoo a . . . mohlomongwe yo mongwe a ingwadisitsegó le kereke fa. Ke ye nnyane, mohlomongwe, go a goboša goba se sengwe go basetsebje go tla godimo. Eupša ge yo mongwe a ingwadisitše le kereke, o tla tla le go tšeа ditulo tšeо, yeo ka kgonagalo e tla fago yo mongwe gape setulo ge ba etla ka gare.

²⁵ Bjale, lehono, re ithuta ka go Lentšu la Modimo la go šegofala. Ge le elelwa Molaetša wa mafelelo, o be o le ka go Puku ya Bahebere.

²⁶ Bothakga, go ithuta Lentšu la Modimo! Le re fa Bophelo bjo Bosafelego. Jesu o rile, “Phetlang Mangwalo, ka gore ka go Wona le nagana gore le na le Bophelo bjo Bosafelego. Gomme ke Wona a pakago ka Nna.” Gomme go ratega bjang go tseba gore O re šegofaditše, go re fa Lentšu le le phelago. Modimo o ka go Lentšu la Gagwe.

²⁷ Bjale, lena bohole bulang ka Dibeibeleng tša lena, go Bahebere tema ya 7.

²⁸ Gomme re tla leka go se tšeе nako ye ntši kudu mosong wo, eupša feela go phagamiša Kriste gannyane, ka Lentšu, gore re ke re le dire go bona se A lego le gobaneng re le fa lehono, gobaneng Bokriste bo le se bo lego, ka go bolela ka Lentšu. “Gomme tumelo e tla ka go kwa, go kwa ka Lentšu la Modimo.” Lentšu!

²⁹ Bjale, re kgonago go tšeа matlakala le go a phetla morago ka mokgwa *wo*. Eupša go na le yo Motee feela yo a kgonago go bula Lentšu, yoo ke Kriste. Ka gore, ba Mmone ponong, bjalo ka, “Kwana e hhabilwego go tloga motheong wa lefase,” ge Johane a lebeletše. Gomme go be go se yo mongwe Legodimong a bego a ne maswanedi go bula Puku, goba go kgonago, goba go tlemolla Mahuto a yona. Gomme o bone Kwana, o ka re E hhabilwe go tloga motheong wa lefase, Yo a tlielego gomme a tšeа Puku go

tšwa seatleng se setona sa Yena yo a dutšego godimo ga Terone, le go bula Puku le go tlemolla Mahuto.

³⁰ Bjale, Yena ke Mongwadi wa Puku. A re ka bolela le Yena nakwana feela pele re bula ka Pukung.

³¹ Tate wa rena wa Legodimong wa go loka, ka dipelo tše kgolo tša lerato la go teba re a tla lehono go neela tlhompho ya rena ya tumišo le ditebogo go Leina la Gago la letago. Go beng go tshwenyega kudu ka rena, “Bjalo ka ge re be re sa le badiradibe, Kriste o hwile sebakeng sa rena, mohlokamolato bakeng sa ba molato. A rwele godimo ga Gagwemong dibe tša rena bohole, a di tloša,” gomme o lefile poreisi ya godimo; a kgotsofetša Modimo. “Gomme o tsogile gape bakeng sa tokafatšo ya rena, o dutše ka seatleng sa Gagwe se setona lehono, o phela ka mehla go dira dipuelano godimo ga boipolelo bja rena.” O re Go leboga bjang bakeng sa khlofelo ye ya go tia re nago le yona! Ge tšohle go re dikologa di šwalalana, le bophelo bja go hwa bjonomong, dipelo tša rena di beilwe go yela ya Gosafelego, khlofelo ya go šegofala.

³² Ba bantši mo ba a hloka, mosong wo, Tate, bakeng sa moywa bona, bakeng sa soulo ya bona. Re a rapela gore O tla phološa ba ba sego ba phološwa. E fe, Morena. Efa mosepelo wa kgauswana bakeng sa bao ba se nago phapano go Wena. Gomme re a rapela gore O tla fodiša bohole ba babjago, gore go ke go phethagale se se boletšwego ke Morena wa rena Yenamong, “Dilo tše Ke di dirago le tla di dira le lena.” Gomme gore O boletše gore re swanetše “Go ya ka lefaseng lohle gomme re rere Ebangedi; re bee diatla go balwetši, gomme ba tla welwa ke maruru.”

³³ Gomme go bona fa ka moagong wo monnyane wo, mosong wo, batho ba bantši ba ba bego ba le godimo ga mahlotlo matšatši a se makae a go feta, ba a sepela lehono ntle le wona, go itekanel. Ba phagamišeditšwe godimo le go swarwa godimo ke thekgo ya ka tlase ya matsogo a neng le neng a Morena wa rena Jesu Kriste, ba a sepela! Bao ba bego ba ehwa ka kankere, ba mo, ba fodile. Bahlanka ba gago, dingaka, ba fa setatamente, ga ba sa kgona go e hwetša gape. E ile. Re leboga Wena ka dilo tše.

³⁴ Re swarele mafokoding a rena, gomme o tlatše dipelo tša rena ka lerato. Bolela le rena ka Lentšu la Gago bjale, ka gore re e kgopela Leineng la Gagwe. Amene.

³⁵ Feela ponopele ye nnyane, go hwetša maikutlo a thuto ya rena ya Lengwalo mosong wo. Ke, re be re bolela ka netefaletšo ya khlofelo ye e lego ka go rena, e filwego ka bobotse kudu mo ka go lengwalo la Bahebereg. Ka morago ga go bala ka fao Modimo a mekamekanego le batho ba Gagwe, Israele, mo matšatšing a a fetilego, morago re bona gore tshepišo e katološeditšwe go rena, e re fa tiišetšo ye kgolo bjalo ka ge re bona gore dilo tšela tšohle tše di diregilego morago matšatšing

ale e be e le mehlala ya se Modimo a re direlago sona lehono, go bana ba Gagwe ba ba dumelago.

³⁶ Gomme bjale feela ponopele ye nnyane ya thuto ya Lamorena la go feta, ya tema ya 6 ya Bahebere. Re tla thoma e ka ba ya 12, goba temana ya 13 fa.

*Ka gore ge Modimo a dira tshepišo go Abraham,
gobane O be a ka se ene ka yo mogolwane, o enne ka
yenamong,*

³⁷ Ke na le nnete tlelase le kguna go elelwa ka fao re tšeetšego seo ka gare, go bona se Modimo a se dirilego, ka fao A tshepištšego Abraham gore O tla mo fa kgwerano ye, le go e dira le yena le Peu ya gagwe, go ya go ile morago.

³⁸ Gomme Modimo o enne ka keno. Gomme e ka ba mang a enago ka keno, o ena ka yo mongwe yo mogolwane go feta ka mo ba lego. Kafao, Modimo o be a se ne yo mongwe yo mogolwane go Mo feta, Yenamong, go ena ka yena, kafao O enne ka Yenamong, gore O be a tla boloka kgwerano ye le Abraham. Ka gona, motheo o tiile bjang, lena bakgethwa ba Morena!

³⁹ Ge re ka batamela thuto ye lehono, ka tlhaologanyo ka kgonthe, ka go iketla, ra se tsoge ra thanthshelwa. Tumelo ga e tsoge ya thanthshelwa. Tumelo ga e tsoge ya itlhaganelo yonamong. Tumelo e tseba se e bolelago ka sona.

⁴⁰ Ga se wa ke wa bona Mong wa rena a thantshetšwe ka eng kapa eng. A eme kgauswi le lebitla la monna yo a hwilego, O be a nno iketla ka fao A bego a le ka gona ge A dutše thabeng gomme a lebeletše bokagodimo bja Jerusalema.

⁴¹ A eme godimo ga bothata, godimo ga sekepe ka mawatleng a go hiduega, gomme maphotho a tšewatšewa, O be a khutšitše ka go felelela ka go Modimo, go fihlela ebole ga se nke a neela šedi e ka ba efe go yona go lekanelo go phafoga. Ka mehla ga e šitišege, tumelo e bjalo.

⁴² Bjale, re a hwetša fa gore lebaka leo re ka kgonago go se šitišege, ke ka gobane e filwe tate wa rena Abraham le go bana ba gagwe. Gomme Modimo, Yo a filego tshepišo, o enne ka keno gore O tla e tiišetša le go e boloka. Gomme seo O sedirile.

⁴³ Gomme re hwetša, bana ba Abraham ga se Bajuda bokantle, e bego e le moloko wa . . . go tšwa go lešika la Abraham. Eupša, ka Abraham go tla Isaka; ka Isaka go tla Kriste; ka Kriste, o šegofaditše lefase. Ka gore e rile, "Go Abraham le go Peu ya Gagwe, e bego e le Kriste." Gomme go kgabola fale, gore, meloko yohle ya lefase e be e swanetše go tlišwa ka go kgwerano ye.

⁴⁴ Gomme kgwerano e be e filwe Abraham ntle le mabaka. E sego, "Abraham, ge o ka dira se sengwe, Ke tla dira se." Eupša, "Ke šetše ke se dirile." Le a bona?

⁴⁵ Ga se se re se dirago; ke se A re diretšego. Ga se gona re ka go se dira go swanela e ka ba eng. Re bomang re ka kgonago, ba go

se loke, re kilego ra dira e ka ba eng go hwetša se sengwe pele ga Jehofa Modimo yo mogolo, le bokgethwa bja Gagwe bjo bogolo bja godimo? Le a bona? Rena, selo se nnoši re ka kgonago go se dira ke go amogela le go leboga se A šetšego a re diretše sona. Oo, go bonolo kudu. A ga se bjona?

⁴⁶ Gomme ke na le bonneta gore makga a mantši, ka monaganong wa batho, gore ba leka go dira phodišo Kgethwa, le go ya pele, phihlelelonle tsoko ye kgolo, se sengwe kgolekgole, “Ge feela ke be nka kgonago go e fihlelela!”

⁴⁷ A le ka eleletša Jesu a re, “Bjale a nke Ke hlodišiše tumelo ya Ka gomme ke bone ge eba Ke ne tumelo ya go lekanelo go dira se. Ke bone ge eba Ke tla swanela go ikona lebakana, go bona ge eba Ke tla ba le tumelo ya go lekanelo go dira se”? O be ka go phethagala a se ne sekwi ka tumelo ye A bego a na le yona. O nno e bolela, le go tseba gore go be go tla ba bjalo.

⁴⁸ Go no swana le ge le etšwa magaeng a lena lehono. Go molaleng le nyaka go boela magaeng a lena. O boditše mosadimogatša wa gago, goba baratwa ba gago, “Ke tla ba morago, nako ye nngwe thwi morago ga sekgalela.” O tseba bjang o tla ba? Ga o leke go makala, “A ke na le tumelo go lekanelo go ya gae? A ke na le tumelo go lekanelo go otleta koloi ya ka?” O no kgotla sekgonyo sa gago ka go hloka sekwi, wa otleta go ya pele, gomme wa ya gae. Le a bona? Ke tumelo ya go idibala yeo e e dirago.

⁴⁹ Ke ka tsela ye go lego ka go Kriste. Re no ba ka go hloka sekwi go no re, “Leo ke Lentšu la Gagwe. Seo se no e ruma. Ga go sa na selo go yona,” le go ya pele. Ke ka mokgwa wo ba folago.

Bjale, “Modimo a ena ka Yenamong, ga go yo mogowlane.”

⁵⁰ Re tla hlaganelo le go ya fase, ka gore thuto ya rena lehono e godimo ga Melekitsedeke: *Melekitsedeke, Mokgoma Yo Mogolo Le Kgoši*.

⁵¹ Bjale temana ya 14 e re:

*A re, Ka nneta ditšhegofatšo Ke tla go šegofatša,
gomme go atiša Ke tla go atiša.*

⁵² Gobane, O be a swanetše go atišwa go setšhaba se sengwe le se sengwe. Gomme Ebangedi, ka Kriste... Bjale, e be e ka se kgone go e dira ka tlase ga lebaka la molao, ka baka la gore ga se ya fihla bokgole bjoo; feela go babolotšwa, gomme yoo e be e le Mojuda. Eupša ka go sekgao sa Moya wo Mokgethwa, O boloditše pelo ye nngwe le ye nngwe, le a bona, ditšhaba tšohle. O be a tla atiša Abraham go ditšhaba tšohle.

*Gomme kafao, ka morago ga ge a kgotleletše ka
kgotlelelo, o hweditše tshepišo.*

⁵³ Ka fao re dutšego go seo, ka fao, “Abraham, a kgotleletše ka kgotlelelo.” *Go kgotlelala, ke go bona (eng?) Modimo wa go se bonagale o ka re O be a bonagala, a eme pele ga gagwe.* “Gomme

ka morago ga kgotlelelo ya gagwe, ka morago ga ge a kgotleletše ntwa ye thata, o bile mojabohwa wa tshepišo.”

⁵⁴ Bjale a ga go makatše? Go lebega o ka re Modimo a ka be a nno obeletša fase le go mo fa tshepišo thwi nako yeo, le go dira mošomo thwi nako yeo. A ka be a e dirile.

⁵⁵ Hanna, ge a be a le ka tempeleng, gomme o be a rapela. Gomme Eli a tla ntle, gomme a gopolā gore o be a tagilwe. Gomme o rile, “Ga se ka tagwa, eupša ke a rapela gore Modimo o tla tloša kgobogo ya ka.”

O rile, “Morena Modimo a go fe kgopelo ya gago—ya gago.”

⁵⁶ Bjale, Modimo a ka be a beile Samuele yo monnyane thwi ka matsogong a Hanna. Bohle ba rena re tseba seo. Ke Mohlodi wa dilo tšohle, go no le bolela go beng gona. A ka be a le beile thwi ka letsogong la Hanna. Eupša, go na le gore a dire seo, e be e le tshepedišo ya mehleng ya dikgwedi tše senyane pele lesea le lennyane le etla. A ka be a e dirile semetseng, eupša ga se A e dira semetseng. O nno mo fa tshepišo. Gomme o bile mojabohwa wa tshepišo.

⁵⁷ Ge Modimo a boditše Moshe, ge a thometše ntle, go ya ka nageng ya tshepišo, “Tshepišo yela yohle,” O rile, “Ke fa Abraham mengwaga ya go feta, yohle e rareditšwe ke Bafilisita le mehuta yohle ya batho ba bagolo ka kua, bahlabani.” A re, “Bjale yohle ke ya gago.” Go be go le Baamoro, Bahefe, le Baperese, le bohole bale godimo fale, le Bahefe, Bajebusi, Baflisita, se sengwe le se sengwe ka Palestina. Bjale Modimo o rile, “Ke go file yona. Ke ya gago. Bjale sepela gomme o be mong wa yona.”

⁵⁸ Oo, ke a holofela le a e bona, batho. Ke se sengwe seo ke nyakago go se goroša go lena, go bea tumelo ya lena moo e lego ya gona. Batho ba bantši, bjalo ka ge ke hwetša, ba ka kgona... Ba na le tumelo, ge feela ba ka be ba tsebile mokgwa wa go e bea go šoma.

⁵⁹ Ge Benjamin Franklin la mathomo a hweditše mohlagase, o rile, “Ke o hweditše. Ke o hweditše.” Eupša o be a sa tsebe se a bego a na le sona.

⁶⁰ Go bapa gwa tla Thomas Edison, gomme a re, “O tla re šomela.” Gomme o be a sa tshwenyege gore go tšere botelele bjo bokae; o lekile dikete tše lesome tša mathale. Eupša, efela, o hweditše lethale leo mafelelong le bego le tla rwala dielektroniki, goba mohlagase, go ya ka go lethale. O tsebile e be e le maatla, gomme maatla ao a be a tla šoma ka go go holega ga rena.

⁶¹ Gomme bjale re hweditše phološo, yeo e tla re phološago go tšwa sebeng; yeo e tla tšeago mosadi goba monna yo mobemobe, letagwa, mmalegogwana, gomme ya ba dira ngwana wa Modimo. Gabotse, tumelo yela ya go swana... Maatla ale a go swana ao a tla phagamišetšago godimo monna goba mosadi yo a welego wa ao, e tla re šomela ka ditsela tše ntši tša go fapania. E tla fodiša

mebele ya rena, ge o ka no hwetša go batamela ga maleba. O swanetše go hwetša mokgwa wa go e dira.

⁶² Go swana le, ge ke be ke na le po—po polasa godimo ka thabeng *ye*, e tletše lehea le lebotse, gomme le no ba kgauswi le go hwa ka baka la meetse. Gomme ke na le sediba sa go pumpunyega ka lehlakoreng *le* la thaba. Gabotse, nka se kgone go dira sediba sela sa go pumpunyega go lahlela meetse tlase *mo*, le godimo ka lehlakoreng *le* la thaba, go le nošetše. Eupša ke swanetše go potiela naga yela le go hwetša ka fao meetse a tla tšeago moela wa wona mong le tsela, le go tla go dikologa le go nošetše mabele ao. A tla e dira ge nka no a lesa a kitima ka kanaleng ya wona mong.

⁶³ Gomme seo ke selo sa go swana Moya wo Mokgethwa o lego, le tshepišo ya Modimo. Ge re ka no O dumelela go kitima ka tsela ya Wona; gomme e sego rena re tsene ka tseleng, e sego rena re lahle dipelaelo tša rena kua, gobane *se* ga se sa ke le *sela* ga se sa ke. Go no dumelela Moya wo Mokgethwa wa Modimo go šoma, gomme o khutše godimo ga tshepišo, O tla dira feela tlwa se Modimo a rilego O tla dira.

⁶⁴ Abraham o be a le mokgalabje, mengwaga ye lekgolo bogolo, ge Modimo a bonagetše go yena ka leina la Ramaatlakamoka Modimo. Yena “Ramaatlakamoka,” fale, le tšwa go lentšu la Sehebere la *El Shaddai*, le rago “sehuba, goba letswele la mosadi.” Bjale o be a tšofetše. Maatla a gagwe a be a ile. Eupša *El Shaddai* ke Ramaatlakamoka, “mofi wa maatla.” Gomme sohle Abraham a ilego a swanelo go se dira go hwetša tshepišo ye, e be e le go robala thwi godimo ga tshepišo yeo. Ka mantšu a mangwe, go swana le lesea go mmago lona; gomme le anywe go tšwa go mme, maatla a lesea.

⁶⁵ Gomme re dira selo sa go swana ge re etla go Modimo le go bona tshepišo ya Gagwe. Re no robala thwi go Yena le go goga go tšwa go Lentšu la Gagwe, maatla a Modimo, a filwego ka tsela ya Lona, e sego go tšeа monagano wa rena beng; go no Le dumela.

⁶⁶ “Ka morago ga ge a kgotleletše, o hweditše tshepišo.” Oo, ke no rata seo! Bjale, selo sa go swana se šomela phološo, sa go swana se šomela phodišo Kgethwa. Ka fao Modimo, ka go lerato le legolo la Gagwe le kgaogelo ya tlhokamagomo, o re fa yona! Bjale:

A re, Ka nnete... Ke tla go šegofatša, gomme... ke tla go atiša.

Gomme kafao, ka morago ga ge a kgotleletše ka kgotlelelo, o kgotleletše tshepišo.

⁶⁷ Temana ya 16:

Gobane batho ruri ba ena ka yo mogolwane: gomme ke keno e tiišeditšwe, go tiišeditšwe, ke go bona bofelo bja kgakgano yohle.

⁶⁸ Ka mantšu a mangwe, ge keno e ennwe, gona bjoo ke bofelo bja dilo tšohle. Ge o etla gomme wa re, “Ngwanešu Branham, nna, bjalo ka Mokriste, ke bea seatla sa ka godimo ga Beibele gomme ke ena ka go botega gore ke tla dira selo se rilego. Ge Modimo a ntumelela go phela go se dira, ke tla se dira.” Go lokile. Gona, go nna, bjoo ke bofelo bja go belaela gohle. Le a bona? O nkenetše gore o tla se dira.

⁶⁹ Gomme Modimo o enne go Abraham gore O tla boloka kgwerano ye le yena le ya Peu ya gagwe go ya go ile. Modimo o enne ka Yenamong, gore O tla e dira. Gomme go direng bjalo . . .

⁷⁰ Ka tlase ga molao wa kgale, ge o dirile keno ka tlase ga molao wa kgale, o be o bolaya phoofolo, o e phaphologanya ka bobedi. Gomme morago banna ba babedi bao keno e tšerwego ka bona, ba be ba ema gare ga phoofolo, gomme ba be ba ngwala godimo ga ntsekana ya pampiri kontraka ye e itšego. Gomme ntsekana yela ya pampiri e be e kgeilwa go arogana, le go fiwa yo motee le yo mongwe monna. Gomme ba be ba tšea keno godimo ga phoofolo ye e hwilego, gore, ge ba robile kgwerano yela magareng ga bona, a nke ba be bjalo ka phoofolo ye e hwilego.

⁷¹ Kafao, Modimo, a se ne yo mongwe go ena ka yena, O enne ka Yenamong, gomme O tšere keno godimo ga mmele wa Morena Jesu Kriste, a e bonelapele ka moriti. Gomme ka go kgwerano, ge A tšeetše Kriste Khalibari, O kgeitše mmele wa Gagwe le soulo go arogana. Gomme O phagamišeditše mmele wa Gagwe godimo, go dula ka seatleng sa Gagwe se setona; le go romela morago Moya wo Mokgethwa, go ba ka go Mokriste, go dira selo sa go swana fa ka Kerekeng seo A se dirilego ka go Kriste ge A be a le fa mo lefaseng. Gomme go netefatša, ka seo, gore O tla re tsoša mo matšatšing a mafelelo, go dula le Yena le go ba le Yena ka Mmušong wa Gagwe.

⁷² Gomme, lehono, go bona Moya wo Mokgethwa wa go swana, wo o bego o le godimo ga Jesu Kriste, o šoma ka Kerekeng, o tiišetša se sengwe le se sengwe Modimo a se boletšego! A kholofelo ye botse e agago godimo ka go rena, go nagana gore re bana ba Gagwe, le go šegofatšwa ke Bogona bja Gagwe! Gomme bjale O fa le rena, bjalo ka kgonthišio ya go se ganetšege gore Yena ke Morena Modimo Yo a dirilego tshepišo go Abraham.

⁷³ Bjale theetšang, temana ya 17.

Ka moo Modimo, a ratago kudu go fetiša go bontšha go bajabohwa ba tshepišo go se fetoge ga bohlale bja gagwe, o e tiišeditše ka keno:

Gore ka di dilo tša go se fetoge, . . . mo go sa kgonegego go Modimo go aketša, re ka no ba le khomotšo ye e tilego, ba re tšhabetšego bakeng sa botšabelo go swarelela go kholofelo ye e beilwego pele ga rena:

⁷⁴ A tshepišo ye botsebotse, “Dilo tše pedi tša go se fetoge!” Modimo a ka se kgone go aketša, gomme a ba Modimo. Bjale, ge

Modimo a dirile tshepišo ka Beibeleng ya Gagwe fa, re dumela Beibele go ba Lentšu la Modimo la go se palelwe. Gomme ge Modimo a dirile tshepišo ka Beibeleng ye, re na le khomotšo ye le go tseba gore ga go kgonege go Modimo go aketša. Kagona, ge re bona A e tshepišitše ka Beibeleng, re a e dumela, soulo, mmele, le moy. Ga go kgonege go Yena go aketša. Bjale ge go na le phošo ye e itšego, e ka go renā, e sego ka go Modimo. Ka gore, Modimo o tlamegile go Lentšu la Gagwe, ka gore O enne ka Lentšu la Gagwe. Oo, nna!

⁷⁵ Ke na le nneta, ge re fihla go e bona ka seetša sela, dilo di thoma go bopegela godimo le go pakelana godimo go fapanago feta se di bego di le sona. Phodišo ya mmele ga e be maaka. E ba kgonthe. Kolobetšo ya Moya wo Mokgethwa ga e be ya maikutlo, selo sa go itiriša. E ba kgonthe, ya Bogona bja Morena Jesu Kriste bjo bo dulago ka gare, go fetola bophelo.

⁷⁶ Mašego a se makae a go feta, ka kopanong ya thapelo, monna o rile go nna, “Moya wo Mokgethwa o be o se wa fiwa... Feela go lesome, goba lesomepedi, ka Letšatši la Pentecost.”

⁷⁷ Ke rile, “Gabotse, gona, go reng ka ba lekgolo le masomepedi ba bilego fale ka nako ya go swana, bao ba O amogetšego? Go reng ka godimo tlase ntlong ya Koronelio, ge Bantle ba O amogetše? Mengwaga ye masometharo tharo moragwana, ge Paulo a botšišitše ma—ma Mabaptist ge eba ba amogetše Moya wo Mokgethwa ge e sa le ba dumetše; gomme o beile diatla tša gagwe godimo ga bona, gomme ba amogetše Moya wo Mokgethwa. Go beeng kereke ya Korinthe ka lenaneo, ‘Gape O beile ka Kerekeng, baapostola, baprofeta, barutiši, baebangedi, dimpho tša phodišo,’ le tšohle dimpho tšela tše botsebotse, mengwaga le mengwaga mošola wa Pentecost.”

⁷⁸ Morago, Ke lehono, go modumedi yo mongwe le yo mongwe. “Eyang ka lefaseng lohle, gomme le rere Ebangedi go sebopiwa se sengwe le se sengwe.” Bokgole bjo bokae? “Lefase lohle.” Ba bakae? “Batho bohole.” “Yo a dumelago gomme a kolobetšwa o tla phološwa. Yo a sa dumelago o tla lahlwa. Gomme maswao a a tla latela bona ba ba dumelago: Leineng la Ka ba tla lelekela bodiabolo ntle, le go fodiša balwetši, le go ya pele.”

⁷⁹ Ke lena bao. Ke tshepišo ya Modimo, yeo A ennego O be a tla e dira. Ga go kgathale ke bontši gakaakang bo tsogago go leka go ekišabofora goba go O ekiša, ke dilo tše kae di tsogago go leka go E ganetša goba go E iša fase, E tla ya pele le pele le pele, go ya go ile, gobane Modimo o enne ka Yenamong gore O tla e boloka. Ge nka šitwa go E rera, le go hlephiša, Modimo o tla tsoša yo mongwe lefelong la ka go ya pele le Yona. Ge o šitwa go E dumela, ba tla ba yo mongwe a gatelago ka lefelong la gago, go E dumela, sebakeng sa gago, gobane Modimo o enne O tla e dira. Oo, a khomotšo yeo e re fago!

⁸⁰ Gomme karolo ye botse ka yona, mogwera wa ka wa Mokriste, ke go nagana, gore bjale re na le bohlatse bja Yona. Re na le Yona mo ka tšhegofatšo. Re na le Yona ka maatla. Re na le Yona ka mehlolo. Re na le Yona ka maswao. Re na le Yona ka seswantšhong. Re na le Yona ka tsela ye nngwe le ye nngwe yeo Modimo a E tshepišitšego, ebile bontši go feta A tshepišitše go e fa go rena. Gomme ga e palelwe, Therešo. Therešo, e sego ya motho, e sego therešo ya morutiši yo mongwe goba rafilosofi, eupša ke Therešo ya Ramaatlakamoka Modimo. Gomme a kholofelo ye E re fago yona! Ga go makatše re kgona go opela:

Tshepho ya ka ga se ya agwa go se sengwe se
sennyane
Go feta Madi a Jesu, le toko;
Ge tšohle go dikologa soulo ya ka e šwalalana,
Gona Yena ke kholofelo yohle ya ka le go dula.

Ka gore, go Kriste, Leswika le le tiilego, re a
ema;
Mafelo ohle a mangwe ke kwenamohlaba.

⁸¹ Ge eba ke botsebalegi, ge eba ke kereke ya ren, ge eba ke bagwera ba ren, badirišani ba ren, e ka ba mang a ka bago; ge eba ke ngaka ya ren, ge eba ke moprista wa ren, ge eba ke moreri wa ren; mafelo ohle a mangwe ke kwenamohlaba. Kriste, a nnoši! Gomme motho yo mongwe le yo mongwe yoo a kilego a ra se sengwe ka go lepatlelo le legolo la ntwa la kgakgano, e bile banna le basadi ba ba emego ba nnoši godimo ga tšona diphenyego. Ge se sengwe le se sengwe gape se paletswe le go wa go ba dikologa, ba be ba sa eme.

⁸² Abraham Lincoln, wa kgale, o be a kgodišegile gore o be a nepile. O eme a nnoši, go diphenyego tša gagwe, eupša o e netefaditše le go tswalela bopaki bja gagwe ka madi a gagwe mong.

⁸³ Jesu Kriste o eme a nnoši, ka letšatšing la Gagwe, bjalo ka mohlala gore monna yo mongwe le yo mongwe, godimo ga diphenyego tša Therešo ya Modimo ya ka Gosafelego, yo a tla tšeago go ema ga gagwe maemong, le go ema, o tla ema a nnoši. Eupša, e sego a nnoši; le Modimo! Mogwera wa go se bonagale Yo a re latelago go kgabola leeto la bophelo, tlase go kgabola meriti, ya meedi ya meriti ya lehu, le ya ka go Bokagosafelego. O tla no fele a eya le ren, gomme a be Modimo.

⁸⁴ Gona dikholofelo tša ren di agilwe godimo ga eng mosong wo? Gobane, Modimo o enne gore O tla e dira go Abraham. Ga se a ena feela go Abraham, eupša ye nngwe le ye nngwe ya Peu ya gagwe. Peu ke mang? Ke... Lena ba le bilego le taletšo go tla go Morena Jesu Kriste, Peu ya Abraham. Nnete, go na le batho ba ba sego ba bitšwa. Eupša, go yo mongwe le yo mongwe wa lena fa mosong wo, ba ba bilego le pitšo.

⁸⁵ Gobaneng le le mo kerekeng mosong wo? Sengwe se go boditše go tla. O a tseba e be e se lenaba, go leka go go dira o dire phošo; go leka go go dira o dire phošo, go tla kerekeng. O be o ka se kgone go dira seo. Ge o etla kerekeng, o dira gabotse.

⁸⁶ Gomme Jesu o rile, ka Mantšu a Gagwe Mong, gore, “Ga go motho a ka tlago go Nna, ntle le ge Tate wa Ka a mo goga. Gomme bohole bao ba tlago, Ke tla ba fa Bophelo bjo bosafelego, le go mo tsoša mo matšatšing a mafelelo.” Naganang ka yona, gore motho yo mongwe le yo mongwe yoo a tlago ka taletšo ya Morena Jesu Kriste, o tshepišitšwe Bophelo bjo Bosafelego le tsogo ka matšatšing a mafelelo; ke Jehofa Modimo Yo a ennega ka keno gore O tla e dira, gomme a romela Morwa wa Gagwe le go tiišetša Lentšu. Gomme O enne O tla e dira; a e fa ka sekai, go Abraham; o e phethagaditše ka go Jesu Kriste, o Mo tsošitše!

Go pheleng, O nthatile; go hweng, O mphološitše;
 Go bolokweng, O rwaletše dibe tša ka kgole;
 Go tsogeng, O lokafaditše ntle le tefo go ya go ile:
 Letšatši le lengwe O a tla—oo, letšatši la letago!

⁸⁷ Ke lena bao. Tokafatšo ya rena! Nako le nako ge o ekwa makoloboto a wela godimo ga lepokisi la bahu; ba re, “Melora meloreng, le lerole leroleng, lefase lefaseng,” tumelo ya rena e lebelela kgole ka go naga ye nngwe mošola, go moo go nago le lebitla la go se be le selo; leo, letšatši le lengwe la letago, Yena Yo a tshepišitšego go tla, o tla tla. Gomme ka kgontha bjalo ka ge Jesu a tsogile go tšwa bahung, re tla tsoga le Yena ka tsogong. A kholofelo ye botse re nago le yona!

⁸⁸ Bjale, thwi go theoga, ka pela. Nako ya rena e tla tloga go rena pele re e tseba. Bjale, ke a dumela ke temana ya 19.

Kholofelo ye re nago le yona bjalo ka sekgwaparetši sa soulo, bobedi kgontha le go tia, . . . e tsene ka go sela se lego ka go seširo;

⁸⁹ Sekgwaparetši sa soulo ya rena, seo se ilego ka go seširo, mošola wa seširo, gomme se kgwapareditše!

⁹⁰ Le a tseba, sekepe, dinako tše dingwe . . . Balokiši le go ya pele, ba a se tseba, le lena ba le bego le le lewatleng. Ge, ka kgontha, maphotho a hwetša go kitima kudu bakeng sa sekepe, ba a se kgwaparetša. Gomme se na le thapo ye e theogelago fase, yeo e se swarago. Gomme a ka no se phetholela ka tsela *ye*, le go dikologa ka tsela *yela*, eupša sekgwaparetši sela se se swere. Sekgwaparetši! Ga ba kgone go bona naga, e ka ba kae. Eupša ba ušetša sekgwaparetši ka mošola wa seširo, e lego meetse, gomme sekgwaparetši sela se ya tlase ka botebong bja lewatle, bogodimo—bogodimo bja thaba tsoko ye kgolo felotsoko. Gomme se a goga go fihla se swara godimo ga thaba

yela, se swara ka go lenga lela fale, gomme lewatle lohle ga le sa kgona go se šuthiša gape. Se kgwapareditšwe, ka ntle ga go bona.

⁹¹ Gomme motho yo mongwe le yo mongwe yoo a amogetšego Jesu Kriste bjalo ka Mophološi wa sebele, a tswetšwego gape ka Moya wo Mokgethwa, o lahletše sekgwaparetši. Ge o babja, gomme kholofelo ya gago e agilwe godimo ga Kriste, o lahletše sekgwaparetši sa gago. Ngaka a ka no bolela *se, sela, goba se sengwe*; eupša, ka kgonthe bjalo ka ge tumelo ya gago e lebelela mošola! Maphotho, metsikitlano ya bolwetši, letadi le ka no tsoga, le se sengwe le se sengwe ka mokgwa woo, eupša sekgwaparetši sa gago se swere ka gare ga seširo.

⁹² Felotsoko ntle mošola ka nageng ya sephiri, o re, “O na le dikhofelotša gago di agilwe godimo ga eng? Ngaka o rile e ile. Sehlare se re e ka se kgone go dira selo. Ngaka e paletšwe.” Eupša dikhofelotša ka ga tša agwa ka go seo.

⁹³ Re na le kholofelo ya rena ka gare ga seširo. Seširo sefe? Ka go tšhollwa ga Madi a Gagwe, seo se kgakgamolotše Moya wa Gagwe go tšwa mmeleng wa Gagwe. Gomme, ka gare ga seširo selo kua, sekgwaparetši se swere Sengwe.

⁹⁴ Ke bone sekepe, nako ye nngwe, ge se be se tšokatšoka ntle fale. Gomme ke naganne, “Ke eng e swerego sekepe sela ka go lefelo la go swana?” Ga se ke kgone go kwesiša. “Se dutše ntle fale ka lewatleng?” Gomme ke hlokometše maphotho a be a tla se rwala go dikologa ka tsela *ye*, le morago go dikologa ka tsela *ye*, eupša ga se sa šutha go tloga lefelong lela. Ke be ke sa kgone go bona selo. Eupša go be go le lethale le lennyane, thapo, ye e bego e kitima go theoga go tšwa ntlheng ya sekepe sela, godimo ga sekgwaparetši seo se swerego go se sengwe ka tlase ga sa ka... moo ke bego ke sa kgone go bona, mošola wa meetse. Gomme se be se swere fale. Gomme ke rile, “Tumišo e be go Modimo!”

⁹⁵ Ee, letšatši le lengwe, ke hweditše sekgwaparetši. Ke badile tlase fa, E rile, “Mang kapa mang a ratago, a a tle.” Ke lahletše sekgwaparetši sela ka godimo ga se sengwe ke bego ke sa kgone go se bona. Se sengwe se swere. Gomme ge ntwa e kgatlampana, Sekgwaparetši se swere ka gare ga seširo. Ge baganamodimo ba tsoga, le mathata a tsoga, gomme tšohle go ntikologa di šwalalana, sekgwaparetši sa rena se swere ka gare ga seširo. Se kae? Ga ke tsebe. Eupša se ka godimo ga seširo, felotsoko mošola, se kgwapareditše ka go Leswika la Mehleng. “Sekgwaparetši sa rena se tiile, ga se šuthišege. Se swere ka gare, ka gare ga seširo.”

Kholofelo ye re nago le yona bjalo ka sekgwaparetši sa soulou, bobedi kgonthe le go tia,...

⁹⁶ “Kgonthe le go tia.” Oo, ge feela re ka be re bile le nako ye ntši gannyane, go hwetša se *netefaletšo* e se rago. “Netefa-tšo,” se sengwe seo o se tsebago, le tiišetšo ya gago. Netefaletšo ke eng? “Modimo o enne ka keno O tla e dira.” Yeo ke netefaletšo.

⁹⁷ Fa nako ye nngwe ya go feta, monna o tlie go nna, gomme o rile, “Billy, ke nyaka go go rekišetša pholisi ya inšorense.”

⁹⁸ Bjale, inšorense e lokile. Ga ke ne le e ka ba efe, nnamong. Ke a thanka ke ile go fetelela ka yona. Kha—kha khamphani e radiile papa wa ka wa go šokiša wa go tšofala, nako ye nngwe, go tšwa go bontši, gobane o be a sa rutega kudu go bala pholisi. Gomme ramolao wa Philadelphia o be a sa kgone go bala e tee go otlologa, go le bjalo. Kafao o rile... O mo rekišeditše pholisi ye. Gomme o e lefile, bakeng sa ngwanešu le nna, lebaka la mengwaga ye masomepedi. A tla, a re, “E tla tura ditolara tše makgolotlhano mafelelong a nako.” Gomme ka kgatelelego le dilo, moisa wa go šokiša wa kgale a šoma! Mafelelong a yona, ba re boditše gore ba badile pholisi ka go fošagala. “E be e turwa ditolara tše šupa le disente tše masometlhano.” Kafao, go mohuta wa go nkgalakela. Bjale, ga ba ka mokgwa woo bohle. Go na le barekiši ba inšorense ba dutšego thwi mo bjale.

⁹⁹ Makga a mantši, batho ba tlie gomme ba rile, “Billy, ke nyaka go go rekišetša inšorense.” Bjale, ke a thanka e lokile ka go phethagala.

Ke rile, “Lebelela, ke na le inšorense.”

¹⁰⁰ Gomme o rile, “Ke mohuta ofe wa inšorense o nago le wona?” O rile, “Ke pholisi efe o e swerego?”

Ke rile, “Bophelo bjo Bosafelego.”

O rile, “Bophelo bjo Bosafelego?”

Ke rile, “Ee, mohlomphegi.”

O rile, “Ke mang a rekišago tšona dipholisi?”

Ke rile, “Morena Jesu.”

O rile, “Gomme o na le inšorense?”

Ke rile, “Ee, mohlomphegi.”

O rile, “Ke mohuta ofe, ka kgonthe? Ke eng, Billy?”

Ke rile, “Ke inšorense.”

A re, “Eng?”

¹⁰¹ Ka re, “Netefaletšo ye e šegofetšego, Jesu ke wa ka! O a tatsopele ya letago Lekgethwa!”

¹⁰² O beile matsogo a gagwe go ntikologa; mokgotsi wa bošemaneng. Re be re eme thwi go kgabaganya mokgotha mo. O rile, “Billy, yeo e ka se go bee ka serapeng sa mabitla godimo mo.”

¹⁰³ Ka re, “Ke a tseba. Eupša E tla ntšhetša ka ntle. Ga ke tshwenyege ka go tsena ka kua. Eupša E tla ntšhetša ntle.” Yeo ke nnete.

¹⁰⁴ Ke kgona go nagana ka pholisi ya ka ya inšorense ge ke be ke babja, eupša ga se ya nkhola. Eupša, inšorense ya ka, ya Jesu, ke bile le sekgwaparetši, “go tia,” netefaletšo gore, “Modimo o enne

ka Yenamong,” O tla boloka Lentšu le lengwe le le lengwe A le tshepišitšego.

¹⁰⁵ Ge Mayo a rile, “Ga go kholofelo go wena,” ga go kholofelo go nna go phela; ke be ke na le lefelo la go pumpunyega leo mafelelong le bego le tla mpolaya. Eupša sekgwaparetši sa ka se be se swere ka gare ga seširo. “Gabotse, o bona eng?” Ga ke tsebe se ke se bonago. Go na le se sengwe seo ke se tsebago.

¹⁰⁶ Seo ke se e lego sona. Le a se tseba. Ga se ka mediro. Ke ka tumelo. Re a se dumela.

¹⁰⁷ Ke mohuta ofe wa netefaletšo Abraham a bilego le yona go tšwa go ngaka, mokgatlo wa kalafo wa Ur-i, goba e ka ba kae gape? Ge a be a le mengwaga ye lekgolo bogolo, gomme Sarah masomesenyane, ba be ba eya go ba le lesea. Eupša sekgwaparetši sa gagwe se swere ka gare ga seširo, gobane Modimo o mo fa tshepišo gomme o khutšitše godimo ga yona. “Gomme o biditše dilo tše di bego di se gona mo o ka rego di be di le gona,” ka baka la go tseba gore Modimo o be a kgona; še yona, Modimo o be a kgona go phethagatša seo A se tshepišitšego.

¹⁰⁸ O dirile lefase. O ntirile. O dirile se sengwe le se sengwe. O go dirile. O dirile tšohle, se sengwe le se sengwe, ka Lentšu la Gagwe. Gomme Lentšu la Gagwe le tla dira feela se Le rego Yena, Le tla se dira.

¹⁰⁹ Bjale, oo, bjang, kholofelo efe! “Kholofelo ye re nago le yona, netefaletšo ya kholofelo, ka gare ga seširo.”

¹¹⁰ Re tla swanela go potlaka bjale gobane re ne mothalo wo mogolo wa thapelo o tlago.

¹¹¹ Hlokromelang, “Moo . . .” Oo, nna! Go lokile, lebelelang, yo mongwe le yo mongwe bjale. Temana ya 20, nno lebelelang se.

Moo pulamadibogo a tsenego bakeng sa rena ka gare, a tsenego, yena Jesu, . . .

¹¹² Pulamadibogo ya eng? Pulamadibogo ya phološo ya rena, nameng le semoyeng. “Ka gore O gobaditswe ka baka la dikarogo tša rena, o tlapirigantswe ka baka la bokgopo bja rena, kotlo ya khutšo ya rena godimo ga Gagwe, gomme ka megogoma ya Gagwe re fodišitšwe.” Pulamadibogo ya phološo ya rena e šetše e tsene ka gare. “Netefaletšo, e šetše e tsene, ebile le Jesu.”

. . . o dirilwe moprista yo mogolo neng le neng ka tshepedišo ya Melekitsedeke.

¹¹³ Bjale re tla moo re nyakago go hwetša sehlogo se thwi ka pela bjale le go tsena ka go sona.

¹¹⁴ Ditshepišo tšohle tše kgolo tše, re e sesefaletša fase go selo se tee, gore, “Jesu, pulamadibogo ya rena, Yo a bego a le Peu ya Abraham,” ka Moya wo Mokgethwa o re bileditše go kholofelo ye ya go šegofala yeo bjale re nago le yona, “sekgwaparetši sa soulo, sa go tia le kgontha, se kgwapareditše ka gare ga seširo.”

Jesu yo, a dirilwe pulamadibogo, yo a bego a le ka tshepedišo ya Melekitsedeke.

¹¹⁵ Bjale, Monna yo mogolo yo, Melekitsedeke, re nyaka go bolela ka Yena metsotso e se mekae ya go latela. Go hlaganelā, metsotso ye lesome goba lesometlhano ya go latela.

¹¹⁶ Gomme ka gona, bakeng sa mothalo wa thapelo, go aga tumelo ya gago bjale. O se dumelele diabolo go go hlakola eng kapa eng. O fa mosong wo, ka moagong wo monnyane wo, moo Ramaatlakamoka Modimo a tla tlago ka go bodulo bjo bja go kokobela fa. O re, “O lebega gampe gabotse.” Eupša O tlide legopong.

¹¹⁷ O tla tla go pelo e ka ba efe ya go kokobela yeo e tla bulago le go re, “Ee, Morena Jesu, ke a Le dumela. Ebile nka no se Le kwešiše, eupša ke a Le dumela, golebjalo.”

¹¹⁸ Kholofelo ye ya go šegofala re nago le yona, “Kriste, pulamadibogo, o šetše a tlide.” Le tseba se pulamadibogo e lego? Se sengwe seo se bulago madibogo, goba se ya pele ga. Kriste, ka go ba pulamadibogo, gona, ya phološo ya rena, o tlide lefaseng; le go ba mohlala wa Kereke, gore Kereke e be e swanetše go fetša mediro ya Gagwe, goba go tšwetšapele mediro ya Gagwe, ka morago ga ge A feditše sehlabelo sa Gagwe godimo ga Khalibari. Le a e bona? Hlokomelang.

¹¹⁹ Ka gona, O tšwetšwe ka boikokobetšong, thwi ka legopong. O dirilwe metlae; bjalo ka ge o tla ba, goba e ka ba mang gape yo a Mo hlankelago. Eupša ge a sa le lefaseng, Yena, “Yo a bego a se ne tlhompho ya motho,” O ratile bohle. O, O fodišitše bohle. O šegofaditše bohle. O dirile gabotse e ka ba kae A ilego. O file bophelo bja Gagwe bjalo ka sehlabelo; o hwile, o bolokilwe. A tsoga, a rotogela godimo, bjalo ka pulamadibogo go rena.

¹²⁰ Gomme wona Moya wo o bego o le godimo ga Gagwe o tlide morago go ba le Kereke, go etapele le go E hlahlala. Go bolela, “Lebakana le lennyane gomme lefase ga le sa Mpona gape. Efela, lena le tla Mpona, gobane Nna . . .” “Nna” ke lešalašala. “Ke tla ba le lena, le ka go lena, go fihla bofelong bja lefase.” Bjalo ka, go šupetša menagano ya rena go sehlabelo sa Gagwe se segolo sa godimo, bjalo ka pulamadibogo ya kholofelo ye e šegofetšego ya rena re nago nayo ka gare ga seširo bjale.

¹²¹ Gona, ka tumelo re a E dumela. Sekgwaparetši sa rena se ya ntle fale, gomme dintlha tša Sona, ka go Lentšu la Modimo, di kgomarela ka gare ga seširo. Gomme, mothalo wa thapelo go kgabola fa, o re swara go tia go tshepišo. “E sego go dikadika gohle, go tšokatšokišwa, ke phefo ye nngwe le ye nngwe ya thuto. Eupša go tia, go se šuthišege, ka mehla go ata ka mogau wa Morena, ka gobane bontši ka mo o tsebago mediro ya gago ga se ya lefeela ka go Morena.” A kholofelo!

¹²² Bjale, Melekitsedeke yo, go no bolela ka Yena fa, thwi ntle . . . Paulo a bolela le Bahebère, ba Testamente ya Kgale, ka sekai.

¹²³ A re phuthulleng morago go Genesi, tema ya 14, le go bala feela nthathana gannyane pele re eya pele, Melekitsedeke yo o be a le Mang. Re bala ka go tema ya 14 ya Genesi, gomme temana ya 14, go thoma.

¹²⁴ Abraham, le a tseba, o biditšwe go tšwa Kaladea, naga ya—ya Uri... toropokgolo ya Uri, a ke re, naga ya Kaladea. Gomme Modimo o mmoditše, “Ikaroganye wenamong go tloga go batho ba geno, gomme o arogane.” A nke ke bee kgatelelo godimo ga seo.

Oo, ge nkabe re ne nako ye ntši go ye, lehono! E lekanyeditšwe kudu.

¹²⁵ “Ikaroganye wenamong go tloga go batho ba geno, gomme o arogane, gomme Ke tla go šegofatša.” Le a bona?

¹²⁶ Gomme gore o hwetše tshephišo ye e swanago ye yeo Abraham a nago le yona, o swanetše go ikaroganya wenamong go tloga go dikgokagano tšohle tša lefase, dilo tšohle tša lefase. Dikganyogo tša gago tša sebe, dikganyogo tša gago, marato a lefase, le dilo tšohle tše, ikaroganye ka bowena go tšwa go selo. Etla go arogane, ka go naga e šele, naga yeo o sa kago wa ba ka go yona pele, go sepela e sego ka go bona, eupša ka tumelo.

¹²⁷ Ka gore Abraham o be a se na le selo. Ga go yo motee a kilego a tshela noka ye Eforate le go diilela ka nageng ye. “Eupša Abraham, ka tumelo, o tlogetše ya gagwe mong, gomme a ya pele, a ikaroganya ka boyena.”

¹²⁸ Bjalo ka Madi a Jesu Kriste, lehono, ka Moya wo Mokgethwa, a re aroganya go tloga go dilo tša lefase, go sepela ka bophelong bjo boswa; re swaswalatšwa, re dirwa metlae, re bitšwa “bapshikologibakgethwa,” re sa kwešišwe, eupša sekgwaparetši sa rena se swere.

¹²⁹ Bahebере 11 e rile, “Ba nenerile gohle ka matlalo a dinku le matlalo a dipudi, ba be ba tlogetšwe, le mafelo, ka gore ba dumetše gore ba be ba nyaka Toropokgolo ye Moagi le Modiri wa Yona e bego e le Modimo.” Se sengwe ka gare ga bona, se ba boditše, “Go be go le Naga, Toropokgolo, ye Moagi le Modiri wa Yona e bego e le Modimo. Gomme ba nyakile yeo, ba sa tsebe mo ba bego ba eya.”

¹³⁰ Yeo ke tsela ka moeti yo mongwe le yo mongwe lehono. O nyaka se sengwe seo a ka se kgonego go bea diatla tša gagwe godimo ga sona, eupša o bona bohlatse bja Sona bo etla gohle go mo dikologa. “Ke eng e ntirilego go dira se? Ke eng e dirilego mosadi yo wa segole a sepele? Ke eng e dirilego mosadi yola wa segole a sepele? Ke eng e dirago go phatloga mo go tloga go monna? Ke eng e dirilego kankere yela go tlogela mosadi? Ke eng e dirilego ditsebe tsela tša difoa go bulega bošego bjo bongwe, fa, bogolo bja mengwaga ye masomeseswai pedi? Ke eng e e dirilego?” Ke ditholanakgopolو tša kagodimogatlhago, gore sekgwaparetši... Toropokgolo yela Yeo Moagi le Modiri wa Yona

e lego Modimo, yeo re e lebeletšego, go le bjalo ga re kgone go bona fao E lego, eupša go na le se sengwe seo se kgwaparetšago godimo ka kua. “Sekgwaparetši ka gare ga seširo. Dikholofelo tša rena di tiile, ga di šuthišwe.”

¹³¹ Gomme Abraham o tlogetše naga, a diilela, a ipitša ka boyena mosetsebję le moeti.

¹³² Gomme, lebelelang, Abraham, bjalo ka ba ba hwago bohle; e sego motho wa go se hwe, e sego motho yo a sa kgonego go dira phošo, eupša kgafetšakgafetša o dirile diphōšo. Eupša ga go kgathale ke diphōšo tše kae a di dirilego, sekgwaparetši sa gagwe se be se sa swere, gobane o bile le tshepišo.

¹³³ Kafao, o tšere le yena, Sarah. O tšere Loto. O tšere papagwe. Gomme ge feela ba be ba na le yena, Modimo o be a ka se kgone go mo šegofatša. Mokgalabje mafelelong o hwile, gomme ba mmoloka. O ile pele godimo kgojana gannyane, gomme Loto o kgelogile. Gomme le tseba se se diregilego kua. Gomme morago o ikarogantše yenamong go tloga go yena. Morago Modimo a tšwelela go yena gape, a re, “Bjale, Abraham, lebelela ka moka godimo ga mobu. Yohle ke ya gago.” Ge a dirile kgetho ya maleba. Yeo ke yona. Ikaroganye ka bowena go tšwa go se sengwe le se sengwe.

¹³⁴ Ke tla swanela go bolela se. Lebelelang. Ke a holofela Le hwetša lefelo la lona la go khutša, gobane ga se nke ka ke ka le nagana, go kgopolelopele.

¹³⁵ Mohlomongwe ke ka lebaka leo ba bangwe ba ren a ga ba ye mmogo gabotse kudu. Re swareletše go dilo tše re swanetšego go di lesa, ka go karogano. Pelaelo ye nnyane, matete a mannyane, go gononwa gannyane: “Ke a makala ge eba Ke nnete. A Se se ka ba? A Sela se ka ba bjang? Se ka ba bjang?” Ripa go tlemologa, mosong wo!

¹³⁶ Bahebere 12:1, e rile, “A re beeleng thoko boima bjo bongwe le bjo bongwe, le sebe seo se re nyamišago gabonolo.” Sona “sebe,” ke eng seo? Gona “gosedumele” fao go re nyamišago ga bonolo. “Gomme a re kitimeng ka kgotlelelo lebelo le le beilwego pele ga ren a, re lebelele go Kriste mothomi le mofetši wa tumelo ya ren a.”

¹³⁷ Hlokamelang Abraham fa. Morago, o tsene bothateng, Loto o ile tlase Sodoma le Gomora. Le tseba kanegelo.

¹³⁸ Re tla swanela go hlaganel a, re gateletšwe. Re ka se kgone go fihla go yona. Temana ya 14.

¹³⁹ Gomme selo sa pele le a tseba, dikgoši tšohle tša Bantle di tlile tlase kua, di tlile ka Sodoma gomme tša hlakiša ntwa, gomme ba tše Loto, le motlogolo wa Abraham, gomme ba mo tšeetše pele, mosadimogatša wa Loto, le bana, le bohle ka moka ga bona, gomme ba tlogetše naga.

¹⁴⁰ Gomme yo mongwe wa dikgoši tša Sodoma, ge a thoma go tšhaba, o ile ka melaleng ya leraga ntle kua, gomme a wa a hwa. Leraga ke le ba dirilego ditena tša bona le taka, gomme ba aga ditoropokgolo tša bona go tšwa go lona.

¹⁴¹ Feela bakeng sa go bala pele go gonnnyane ga se. O ka kgona go e bala ge o fihla gae. Eupša ka lebaka la nako ya go lekanyetšwa, re tla swanelo go potlaka. Gomme temana ya 14:

Gomme ge Abram a kwele gore ngwanabo o thopilwe, . . .

¹⁴² Ngwanešu, ke rata seo, “ngwanabo,” gomme lebelelang se Loto a mo dirilego! Eupša, go le bjalo, go be go le mohuta wa setlemi se se tlemago, ge ngwanešu a kgelogile. Boka lesogana le boletše nakwana ya go feta, modiredi yo moswa fa, gore o ile a kgelogila gomme a ya kgole. Efela, ka mokgwa wo mongwe, Moya wo Mokgethwa o sa bitša motho yoo. Ge a le bothateng, O thwi fao le yena.

... Ngwanabo Abraham o tšeetšwe bothopša, gomme o hlamilie bahlanka ba gagwe ba ba hlahlilwego, gomme a ba rwala go ya gagwe . . . ba ba tswaletšwego ka ntlong ya gagwe mong, makgolotharo le lesomeseswai, gomme a ba hlomara go ya Dane.

Gomme o ikarogantše yenamong kgahlanong le bona, gomme yena le bahlanka ba gagwe, bošego, . . . ba ba iteile, le go ba hlomara go ya Hoba, le fale go la nngele . . . go ya Damaseko.

¹⁴³ Abraham o tšere bohole bahlanka ba gagwe le banna ba ba itlhamilego. E no nagana ka monna yo a bego a le mokgopedi ge a be a tlogela naga tlase kua ka Kaladea, ya Uri, o bile le banna ba makgolotharo le lesomeseswai ba itlhamile bjalo ka bahlanka. O re Modimo ga a go šegofatše? “Makgolotharo le lesomeseswai.”

O re, “Gabotse, a yeo ke nnete?”

¹⁴⁴ Seo ke se Lengwalo le se boletšego. O bile le bahlanka ba go lekanelo go lwa le sešole. Gomme o a fenya! Hlokamelang, “Gomme o tlišitše . . .” O ba hlomaretše; o tšere se sengwe le se sengwe ba bilego le sona.

Gomme . . . o tlišitše morago diphahlo tšohle, gomme gape o tlišitše gape ngwanabo Loto, le dithoto tša gagwe, le basadi le bona, le batho.

Gomme kgoši ya Sodoma o ile ntle go kopana le yena morago ga ge a boile go tšwa polaong . . . gomme dikgoši . . . tša—tša moedi . . . le moedi wa kgoši.

Gomme Melekitsedeke kgoši ya Salema o tlišitše pele borotho le beine, gomme o mo file: gomme o be a le moprista wa Modimo yo godimodimo.

¹⁴⁵ Ka morago ga ge dikgoši tšohle tše tša Bantle di tlie ka gare le go tšeа ngwanabo, Abraham o tšere bahlanka ba gagwe, a ba hlomarella gomme o ile tlase le go ba tšeа; le go bowa le bona (le go gagara dikgoši), le go ba tliša morago.

¹⁴⁶ Gomme, hlokamelang, kgoši ya Sodoma e tlie ntle. Kgoši ya Gomora o bolailwe. Eupša kgoši ya Sodoma o tlie ntle, gomme a mo tliša pele, gomme o rile fa, “Diphahlo tšohle tšeо—tšeо le di tšerego, tšeо batho ba ba di tšerego, ke tla le fa tšona.”

¹⁴⁷ Moragorago, ka go tema ye, re hwetša Abraham o rile, “Nka se tšeа tlhale, go lerala la seeta; gore o ke o re o dirile Abraham mohumi.”

¹⁴⁸ Eupša kgopolo ye re nyakago go fihla go yona, e thwi mo.

Gomme Melekitsedeke kgoši ya Salema o tlišitše pele borotho le beine: gomme o be a le moprista wa Modimo yo godimodimo.

Gomme o mo šegofaditše, gomme o rile, Mošegofatšwa a ebe Abraham wa Modimo yo godimodimo, mong wa magodimo le lefase:

Gomme o mo šegofaditše, gomme o . . .

Gomme a go šegofatšwe Modimo yo godimodimo, yo a gafetšego manaba a gago ka seatleng sa gago. Gomme o mo file sa lesome sa tšohle.

¹⁴⁹ Ke a e rata. Hlokamelang bjale, ka morago ga Abraham, seswantšho sa semoya mo, Abraham; “ngwanabo” yo a timetšego. Seswantšho sa Kereke ya therešo, goba modumedi wa therešo wa Modimo, yo a šegofaditšwego ke Modimo, gomme o na le tshepišo ya Modimo, o na le kgwerano ya Modimo, gomme o na le tumelo ka go kgwerano.

¹⁵⁰ Bjale naganang. Ge le ka bala fa, go be go le e ka ba dikgoši tšeа lesome goba lesometlhano di ilego ntle fale, gomme, ka kgonagalo, ke bahlanka ba bakae ba bilego le bona?

¹⁵¹ Eupša Abraham o badile se a bilego le sona seo se bego se botega, “se tswetšwe ka ntlong ya gagwe mong.” Oo, nna! Babotegi, “ba tswetšwe ka ntlong ya gagwe mong.” E be e le bahlanka ba gagwe ba a ba boloditšego, ba ba bego ba akareditšwe ka go tshepišo ya go swana ye a bego a le yona. Gomme o ile ka morago ga ngwanabo wa go kgeloga, gomme a hlomara ka banna ba bannyane ba go tlala seatla, ka banna ba makgolotharo le lesomeseswai; ka morago ga dikgoši, le go di fonya, le go di tšeа le go di bolaya. Gomme o tlišitše morago tšohle tšeо di bego di lahlegile.

¹⁵² Seswantšho sa go phethagala sa Kriste! Gomme Kereke, Moya wo Mokgethwa o etapele babotegi ba ba tswetšwego ka ntlong ya go swana ya Moya wo Mokgethwa moo Kriste a tswetšwego, go hlomara ka morago ga mohlahlathi le mokgelogi. Le go bolaya selo se sengwe le se sengwe se sebe seo se ba fenyago.

Amene! Go fenza sebe, go beela thoko boima bjhohle. Go bolela le batho ka dikganyogo tša bona le dilo tše ba di dirago; go e ripa! Malwetši a bona le tšohle; go ba rerela Ebangedi, le go ba tliša morago ka kopanelong ya go tlala le Modimo.

¹⁵³ Hlokamelang. Gomme ge a boile, Melekitsedeke o kopane le yena. Melekitsedeke yo e be e le mang? Gomme hlokamelang, selo sa pele, bjale. Melekitsedeke ga se a mo neela tšhelete e ka ba efe. Melekitsedeke o nno mo neela “borotho le beine.” Melekitsedeke o be a le Moprista wa Yo Godimodimo; Kgoši ya Jerusalema.

¹⁵⁴ E be e bitšwa Salema. Ya Cruden še. Ke naganne, ge e ka botšišwa morago ga fao, nka e netefatša, gore Jerusalema e bile Salema pele. J-e-r-u-s- -l-e-m, le a bona, Salema, Jeru-salema. Le a bona? E be pele e bitšwa H-i- -r-u- -a- -m, Hieru-salema, yeo ke nnete, e lego, ge e be e le ka go lefa la Bantle. Oo, ke a holofela le hwetša se bjale. Jerusalema pele e be e le ya Bantle.

¹⁵⁵ “Gomme Kgoši ya Jerusalema, goba Salema, go bego go e ra Kgoši ya khutšo, Kgoši ya toko, e kopane le Abraham ge a bowa. Gomme o mo fa,” selalelo, “borotho le beine,” mengwaga ye dikete, goba makgolo a mengwaga, pele ga ge borotho le beine e kile ya ba ditaelo ka Kerekeng. Gomme O be a le Kgoši ya Jerusalema. Amene.

¹⁵⁶ Monna yo mogolo yo e be e le mang? Morago go temathero ya rena bjale, temana ya 7 temana . . . goba, tema ya 7.

*Ka gore Melekitsedeke yo, kgoši ya Salema, moprista
wa Modimo yo godimodimo, . . .*

¹⁵⁷ O be a se feela Kgoši, eupša o be a le Moprista.

*. . . yo a kopanego le Abraham a bowa go bolayeng
dikgoši, gomme o mo šegofaditše;*

¹⁵⁸ Ditšhegofatšo di tla feela go tšwa go yo mongwe godingwana. Šetšang. “Go yena ga- . . .”

*Go yena gape Abraham o mo file ka karolo ya lesome
ya tšohle; go beng sa pele ka tlhathollo Kgoši ya
toko, . . . morago ga fao . . . kgo Kgoši ya Salema, e lego,
kgo Kgoši ya khutšo;*

¹⁵⁹ E be e le mang Monna yo mogolo yo, kgale, mengwaga ye mentši ya go feta? E be e le mang Yena? Theetšang. A re baleng gannyane go feta ka Yena.

*Ntle le tate, ntle le mme, . . . ntle le mathomo a
matšatši, goba ntle le bofelo bja bophelo; . . .*

¹⁶⁰ Ge A be a se na le tate, O be a se na le mme, O be a se na le mathomo a matšatši goba mafelelo a bophelo, Melekitsedeke o sa le gona. A yeo ke therešo? “O dirilwe ka lenaneo . . . A se na le tate, a se ne mme.”

*. . . eupša o be a dirilwe go swana le Morwa wa
Modimo; wa go ba moprista motšhaotšhele.*

¹⁶¹ A ka se kgone . . . O be a se ne mathomo. Ga a ne bofelo. O be a se ne tate. O be a se ne mme. Efela, O be a le Motho, gomme O tšwa Salema. Khutšo, O be a le Kgoši ya khutšo. O be a le Kgoši ya toko.

¹⁶² O be a se feela Kgoši, eupša O be a le Mokgoma. Gomme Yena ke Mokgoma wa Khutšo. Yena ke Rosa ya Sarona. Ke Yena Lili ya Moeding; Naledi ya Moso; Alefa, Omega; Yo a Bilego, A Lego, gomme a Tla Tlago; bobedi Modu le Lehlogedi la Dafida. O be a le pele ga Dafida, ka go Dafida, le ka morago ga Dafida.

¹⁶³ Moprista yo e be e le mang? Ga a gona yo mongwe ge e se Morena Jesu Kriste ka nameng, ka maatleng a Gagwe a bohlokwa. O be a le Yena wa go swana, moragwana gannyane, ka morago ga ge A kopane le Abraham. Gomme a mo fa, bjalo ka go ba batho ba kgwerano, selalelo. Ka gona, bjale, ka kgwerano ye e swanago, re tšeа . . . Gomme O be a le ka moriti. Melekitsedeke yola, ge A eba Monna wa nama, o tla ripša ka karolo. Gomme selalelo se tla fiwa, diripana tša mmele wa Gagwe wo o robegilego, ge re tšeа lehono.

¹⁶⁴ Fao Melekitsedeke o kopane le Abraham, gomme Abraham o lefile sa lesome go Yena. Amene. Abraham, monna yo mogologolo sefahlegong sa lefase, o lefile sa lesome go Melekitsedeke: Kgoši ya khutšo, Kgoši ya Salema, Kgoši ya toko.

¹⁶⁵ Gomme O be a le Mokgoma. Gomme O be a le—O be a le Mokgoma. O be a le Kgoši. Gomme O be a le Mohlanka wa Yo Godimodimo, yo Jesu a bego a le.

¹⁶⁶ Gomme ge Abraham, mengwaga e se mekae moragwana, goba e sego telele ka morago ga fao, ge Loto a be a kgelogile, gomme Sodoma e be e tšhumilwe. Gomme Abraham o tlogetšwe a nnoši, le Sarah, ntle godimo ga mabala a boopa. Ge go be go le . . . Dikgomo tša bona tšohle di be di ehwa, ka tlala. Gomme go be go lebega o ka re Modimo o mo šaeditše. Eupša o bile le tumelo ya go tia, go dumela.

¹⁶⁷ Gomme letšatši le lengwe o be a dutše mojako wa tente ya gagwe, ka tlase ga mouko wo mogolo. O sa eme ka segopotšong lehono, bjalo ka ge se phatlotšwe gomme o swerwe. Gomme fao, Abraham, a dutše ka mojako wa tente ya gagwe, o bone Melekitsedeke a etla go yena; Banna ba bararo ba sepela.

¹⁶⁸ Gomme ke no eleletša Abraham a re, “Ke Mmone pele.” Gomme O tla godimo. Gomme o rile, “A nke ke no . . . Etla kgauswi, Morena wa ka, gomme a nke ke ge meetse a mannyane bakeng sa maoto a Gago.” Ka mokgwa wo mongwe, tlasetlase, monna yola wa kgwerano, tlase ka pelong ya gagwe, o tsebile gore Yola e be e le Yo mongwe go feta motho.

¹⁶⁹ O rile, “Re basetsebane.” O rile, “Re tšwa go naga ye šele.” Diaparo tša bona di be di le lerole. Ee, Ba be ba le, tsela yohle go tšwa Letagong. Gomme kafao Ba sepeletše godimo kua, gomme

ba rile go Abraham... Ba ba tlišeditše dilo tše dinnyane, le go hlapa. Gomme Abraham a thoma go ba lebelela.

¹⁷⁰ O ile a ngwegela morago ka tenteng, gomme a re, “Sarah, ema mo motsotso feela.” O ile ntle go kgabola mohlape, gomme o tšere namane ye nonnegononi a kgonnego go e hwetša. Gomme o e bolaile, le go e tliša morago.

¹⁷¹ Gomme o file Monna yo nama tsoko, le borotho, le maswi, le potoro. [Ga go selo lefelong la theipi—Mor.]... ja.

¹⁷² Bjale, ge Melekitsedeke, Kgoši ya Salema, Moprista wa Yo Godimodimo, Kgoši ya khutšo, e bego e se ye nngwe ge e se karolo pele ya Morena Jesu Kriste. Gomme ge A kopane le Abraham, O fepile Abraham ka selalelo, gomme o mo šegofaditše. Gomme mo yena, Abraham, o kopana le Yena leetong la Gagwe go ya Sodoma, le go Mo fepa ka nama le borotho.

¹⁷³ Oo, a ga le bone makopano magareng ga batho? O tshepišitše. Borotho le meetse a ren a ne kgonthe. Gomme Modimo o tla e dira, feela ka kgonthe bjalo ka ge re dutše fa. Gomme tshepišo ye nngwe le ye nngwe ye Kgethwa A e dirilego, O tlamegile go e dira.

¹⁷⁴ Gomme ge Barongwa ba babedi ba ile pele go leba Sodoma, Abraham o eme fale. Gomme o lebeletše tikologong, le Monna. O rile, “Ge nka hwetša bontši *bjo*, le bontši *bjo*,” ge a tšwelapele a re, tlase go ya go lesome. Gomme ge A tlogile; morago Morongwa, goba Monna yo a bego a eme kgauswi le yena, o timeletše le go nyamalala, ka sehlabelo. Gomme Abraham o rile, “Ke boletše sefahlego ka sefahlego le Ramaatlakamoka Modimo.” Melekitsedeke, le, Kriste ka mabalengpele.

¹⁷⁵ Ka fao, bagwera, mosong wo, ge re be re ka kgonia go tloša seširo se mo, seo se lego pele ga mahlo a ren a, bjalo ka ge nama e re foufaditše, le go gogela seširo sela morago ka mokgwa *wo* le go no lebelela mošola wa garetene ya nako, go makala se e bego e tla ba sona. Ke be ke fela ke opela pina ye nnyane:

Ke babja ka pelo le bolou, gomme ke nyaka go bona Jesu.

Ke nyaka go kwa dipele tše bose tša boemakepe di lla.

Ee, ge nka no kgonia go Mmona, le go no lebelela go feta seširo sa nako.

E tla fa ya ka... nna tumelo ye ntši, gomme e tla dira tšohle, le go dira maatla a ka ohle,
Ge nka no lebelela go feta garetene ya nako.

¹⁷⁶ Ke mang a bego a le fao, ka Jerusalema ye lefaseng thwi nako yeo, “Yo a bego a se ne mathomo a matšatši, goba bofelo bja mengwaga,” gomme a tla ntle le go fa selalelo go Abraham yo a bilego le tshepišo? Gomme tshepišo e katološeditše go ren a, mosong wo. Ke go yo mongwe le yo mongwe wa lena.

¹⁷⁷ Re ka be re bile le nako ye ntši, ke duma ge nkabe re dirile, go thuto ye kgolo ye; mohlomongwe letšatši le lengwe, morago ga ge leeto le le fedile.

¹⁷⁸ Ge ke eya go kgabaganya ditšhaba bjale, go dinaga tša ntle le go dikologa, ke rera Ebangedi, a nke ke tlogole kgopolo ye le lena, bana ba ka ba go ratega, banešu le bašomimmogo ka go Ebangedi ya Morena wa rena Jesu Kriste. Le se lape. Tšeang tlhohleletšo ye mpsha mosong wo. Phagamišang dihlogo tša lena. Phagamišang matolo a go fokola le diatla tše di kilego tša repha. Lebelelang go Mothomi le Mofetši wa tumelo ya rena, Morena Jesu Kriste, Yo a re filego ditshepišo tše. Selo se seo ke lekilego go le rerela sona, ka kutollo ye ke e filwego ke Morena Jesu Kriste, ge ke sa ntše ke sa tsebe le go se ruta, go se ruta, efela Ramaatlakamoka Modimo o E beile pele ga lefase, gobane ga E palelwé.

¹⁷⁹ Ba dutšego fa, mosong wo, ke bao ba bego ba golofetše le go tlaišega, beke ya go feta, gomme beke ye ba sekeng le go fola. Go na le bao ba bego ba le sefoa, ba eme mo mašego a se makae a go feta; ba eme fa bjale, ba kwa feela gabotse bjalo ka bohole ba bona. Ke eng? Ke kgwerano ya Modimo ya go hloka mabaka yeo A e dirilego le Abraham le Peu ya gagwe. O tshepišitše O tla e dira, kafao kagona a re e dumeleng mosong wo ka pelo ya rena yohle.

¹⁸⁰ Bjalo ka batho, ba bangwe ba rena re dutše mo, re tšofetše, ba bangwe ba rena re ba bopududu. Ba bangwe ba rena, pele re kopana gape, go ka no ba ba bangwe ba rena ba fetela bokagodimo ga sesiro. Eupša e ka ba eng o e dirago, e ka ba eng bophelo bo e tšweletšago, ge bo tšweletša bolwetsi, ge bo tšweletša e ka ba eng ka lefaseng, boloka sekgwaparetši sa gago ka gare ga seširo. Tšwelapele o lebeletše go Mothomi le Mofetši mošola, Morena Jesu Kriste. Bitša dilo tše, tše di bonalago di le gona, bjalo ka ge e ke di bile gona.

¹⁸¹ Go na le dielemente tše tharo tše motho a di latelago. Ya pele, ke setho; ya bobedi, ke kutollo Kgethwa; ya boraro, ke pono, ke O RIALO MORENA. Makga a mantši, re tlase ka *fa*, gomme ga re tsoge ra namela ka go *ye*. Ge o se tlase ka kua, lahlela dikholofelo tša gago go kgabola seširo sela, godimo mo go O RIALO MORENA. Le ge o sa bone pono; le ge kutollo e sa tle; go le bjalo, ge o rapeletšwe, o re, “Ke no duma nka kgona go dumela.” Seo ga se dire phapano ye e itšego. Lahlela sekgwaparetši sa gago tlase fale, gomme o e bitše bjalo, golebjalo.

Abraham ga se a ke a kgona go bona. O rile, “E ka kgona go ba bjang?”

¹⁸² Maria o be a sa kgone go kwešiša. O be a ka kgona bjang go ba lesea, “a sa tsebe monna”?

¹⁸³ O rile, “Eupša Moya wo Mokgethwa o tla go alamela. O tla e tliša go phethega.”

¹⁸⁴ O rile, “Bonang molata wa Morena. A go be go nna.” E be e eya go dirwa bjang? O be a sa tsebe. Eupša o ile a lahlela sekgwsparetši sa gagwe bokagodimo ga seširo, gomme o ile pele a paka o be a eya go ba le lesea, pele a ikwela bophelo goba e ka ba eng. O biditše dilo tšela tše di bego di se gona, o ka re di be di le gona.

¹⁸⁵ Abraham, ge a be a le bogolo bja mengwaga ye masomešupa tlhano, Modimo o mo fa tshepišo. Gomme Sarah, bogolo bja mengwaga ye masometshela tlhano, o file tshepišo. Gomme mengwaga ye masomepedi tlhano e fetile pele e ka tsoge ya direga. “Eupša Abraham ga se a ke a šišinyega ka tshephelišo ya Modimo ka gosedumele; eupša o be a tieletše tumelong, a efa tumišo go Modimo. Gomme a bitša dika tše, le dilo tše di bego di le gona, mo o ka rego di be di se gona.” Gomme a paka feela se Modimo a rilego e be e le therešo, ka baka la gore o be a na le tshepišo.

¹⁸⁶ Modimo eba le kgaogelo. Oo, nna! A tumelo ya gago e dutše go iketla mosong wo? Ge diphefo tša go huduenga di foka, mašego a le leswiswi, gomme diphefo le magadima a a gadima, a sekgwaparetši sa gago se a swara? Aga dikhlofelo tša gago mosong wo sego go selo bonnyane go feta Madi a Jesu le toko. Ke a tseba go bothata. Go bonala go le bothata. Eupša e tsee nako ye nngwe, gomme o tsee Modimo Lentšung la Gagwe, gomme o bone kholofelo ye e šegofetšego e no ba go matšhetša pele ka tumelong.

¹⁸⁷ Ka go ntwa ye kgolo ye ya tumelo, bjalo ka ge ke lekile go e lwa, Ke putlile dišitiši tše mpe, ke bile godimo ga ditsela tše itšego tša makgwakgwa. E laetsa go nna. Ke dirile. Eupša e bile selo sa go šegofala kudukudu. Nka se e rekiše bakeng sa lefeela ka lefaseng.

¹⁸⁸ Gomme diphenyo tša ka tše kgolokgolo šedi, maipshino a magologolo ke nago nao, ke ge ke etla godimo kgahlanong le se sengwe. Ga ke kgone go bona godimo ga sona, go se dikologa, goba ka tlase ga sona. Ke no tšwelapele go sepela go ya go sona, ke dumela se, gore Modimo o tla dira tsela ge ke fihla kua. Ga se ka ke ka tla ngwaga wo, bokgole bjo, e ka ba eng... Gomme bokgole bjohle bjo ke tlile, ke Mo tshepile. Ga se a ke a mpalediša.

Ke mogau woo o rutilego pelo ya ka go boifa,
E bile mogau o imolotšego dipoiifo tša ka;
Mogau wola o bonagetše bohlokwa gakaakang
Iri ya pele ke dumetšego!

Gomme go kgabola dikotsi tše ntši, mehlako le
melaba,
Ke šetše ke tlile;

E bile mogau woo o mphihlišitšego ke
bolekegile bokgole bjo,
Ke mogau woo o tla ntšeelago pele.

Gomme ge re bile Kua mengwaga ye dikete tše
lesome,
Re editše re phadima wa letšatši;
Re ka se be le matšatši a mannyane go opela
tumišo ya Gagwe
Go feta ge le pele re thoma.

¹⁸⁹ Ge re kgobokana Kua, le Abraham, Isaka le Jakobo, bao e bego e le bajabohwa ba tshepišo, ba lebeletše pele go rena go se šitwa, “gobane ka ntle le rena ba ka se kgone go dirwa go phethagala.” Gomme ka fao ba ithekgilego ka rena, mosong wo! A re se šitwe. Boloka sekgwaparetši sa gago ka go Kriste.

¹⁹⁰ Ge o le modiradibe, ga wa swanela go tla aletareng. Ke setlwaedi go dira bjalo. Eupša ge o sa nyake go tla, gomme go se sebaka go wena go tla, wa re, “Morena, ke lahlela dilo tšohle tša lefase ka thoko, gonabjale. Ke ipea nnamong pele ga Gago, ke sa apara le go hlobola bjalo ka ge ke le, gomme ke dihlong le go goboga. Eupša ke lahlela sekgwaparetši sa ka go Wena. Gomme ke dumela go Wena. Ga se gona nkago go se dira eupša se O ntiretšego.”

¹⁹¹ Ge o babja, ngaka e re ga go tsela le gannyane go wena go tsoge wa fola, ga se gona se kago go dirwa. E nong go lebelela ka go ye tabar-... sehlopha se sennyane se sa batho mosong wo, ge, se ke se—se sennyane sa go tlala seatla, ebile go se mothalo wa dikete ba ba fodišitšwego ka go dibeke di se kae tša go feta, go dikologa lefase.

¹⁹² Masolo a magolo! Lefase le ka go mororo, ka masolo a phodišo Kgethwa; banna ba tumelo ba ya ntle, ba amega go tše Modimo Lentšung la Gagwe. Matšatši a Bantle a a fela. Le ke leswao. E lebeleleng. Le se ke la leta botelele kudu.

¹⁹³ Ba letile botelele kudu, go lemoga Eliya. Gomme barutiwa ebile ba rile, “Gobaneng bamangwalo ba re, ‘Eliya o swanetše go tla pele?’”

O rile, “O šetše a tlide, gomme ga se le mo tsebe.”

O rile, “O be a le mang?”

O rile, “Johane Mokolobetši.”

“Gabotse,” ba rile, “kgonthe, yoo e be e le yena.”

¹⁹⁴ Jesu o tlide, gomme ga se ba e tseba. Ka morago ga ge Moroma a Mmapotše, ge go be go le thari kudu nako yeo go dira e ka ba eng, o rile, “Ka therešo yoo e be e le Morwa wa Modimo.” Le ge A be a le mosenyi, le ge A be a le—A be a tshwelwa godimo, le ge A be a dirwa metlae le go hlokofatšwa, efela Modimo o Mo hlatseditše ka maswao le matete.

¹⁹⁵ Lehono, a re se leteng botelele kudu. Bjo ke bofelo bja lebaka la Bantle. Re a fela.

Ditšhaba di a thubega, Israele e a tsoga,
 Maswao ao Beibele e a boleletsegopele;
 Matšatši a Bantle a badilwe, ka tšitišo ya
 letšhogo;
 “Boang, O bašwalalanywa, gabu lena beng.”
 Letšatši la topollo le kgauswi,
 Dipelo tša batho di palelwa ka letšhogo;
 Tlatšwang ka Moya, mabone a lena a gotetše le
 go bonagatša,
 Lebelelang godimo! Topollo ya lena e kgauswi.

¹⁹⁶ Tate wa rena, re a Go leboga mosong wo bakeng sa kholofelo ye e šegofetšego ye. Oo, letšatši le lengwe la letago, ge O ema godimo ga lefase gape, go tla bolelwa, “A go be go se gwa ngwalwa ka dipineng, “Topollo ya lena e batametše kgauswi?”” Ge O be o le mo nako ya mathomo, O rile, “A go be go se gwa ngwalwa ke Dafida, ka dipineng, dilo tše di itšego tše?”

¹⁹⁷ Gomme ge re nagana ka pina yela, “Go ya go ba le kopano sebakabakeng,” bakeng sa baprofeta bohle, le balopollwa, le Dafida yo monnyane, le Moshe, le bapatriaka bohle, ba tla ba gona Kua. Nako yeo re tla re, “A go be go se gwa ngwalwa ka pineng, gore re tla bona se?” Gomme balopollwa ba mabaka ba tla hhalala mmogo.

¹⁹⁸ Tate, lebalela ka mehla monna goba mosadi wa go hlahlatha, mošemane goba mosetsana mosong wo. A nke le e be letšatši le leswa ka bophelong bja bona, nako yeo, ka tumelo, ba amogela Morena Jesu bjalo ka Mophološi wa sebele le go tswalelwa ka Mmušong wa Modimo, ka Moya wo Mokgethwa.

¹⁹⁹ Tše a se makae a, mantšu a go hlaganetšwa, Tate, gomme o a nweletše fase ka dipelong tša batho, feela bjalo ka ge ba ne tlhoko.

²⁰⁰ Feel a mo dinakwaneng di se kae bjale, batho ba tla be ba etla fa, go fodišwa. Go tla ba bao mo, Morena, ba ba foufetšego, ba tlaišegago, le go golofala, le go babja, le mehuta yohle ya malwetši godimo ga bona. Sathane o dirile selo se sebe se, Tate. Bona batho ba go šokiša, Morena, ba be ba ka se tle fa ge ba be ba sa dumele ba ka fodišwa.

²⁰¹ O rile, “Re fenya ka Madi a Kwana le bopaki bja rena.” Gomme fa go robetše manti fa mo sefaleng. Mahlotlo le dilo di pakelane godimo, le go gogwa go tloga mo; le ditulo tša bagolofadi, le, oo, dikhote di rwaletšwe ntle, le mepete. Gomme banna le mosadi ba sepetše go tloga fa, Morena, go tšwa go mehuta yohle ya malwetši le ditlaišego tše Sathane a di beilego godimo ga bona. E sego ka gobane ke lefelo, eupša ke ka gobane tumelo ya bona e kgotsofaditše senyakwa sa Gago thwi fa.

²⁰² Ke a rapela, Modimo, gore motho yo mongwe le yo mongwe a babjago ka fa, gore tumelo ya bona e tla lekanelo, mosong wo, bjale, go elelwa Melekitsedeke yola yo mogolo morago mošola, Yo a sego a ba le mathomo a matšatši. Ga se nke a be le tate, goba mme. Ga se nke a be le bofelo bja bophelo; yoo a sa phelago lehono. Morago, a dirwa nama, a bitšwa Jesu Kriste, a ba nama; a hwa, a ya morago go yona gape. O sa le Kgoši ya khutšo, Kgoši ya toko, a re tshepiša dilo tše kgolo tše tša Gosafelego. Yo A... E ennwe ke Modimo, go Abraham, gore O tla boloka kgwerano, tshepišo, ka Yena le Peu ya Gagwe, go ya go ile. Re thusé, lehono, go sepelela pele go sefala se bjale, ka tumelo ya go se hwe.

²⁰³ Ba bangwe ba bona mo, Morena, ba tlemilwe ka mekgwa ya ditšhila, mekgwa ya kgale ya ditšhila ya nama. Modimo, bjalo ka ge Beibebe e boletše, “A re beeleng thoko boima bjo bongwe le bjo bongwe, le sebe seo se re nyamišago gabonolo.” Modimo, a nke ba e beeble ka thoko, mosong wo, gomme ba lebelele go Jesu Yo a re hlwekišago go tšwa go goseloke gohle. E fe, Tate.

²⁰⁴ Gomme ge re tloga lehono, a nke re ye ka pelo e tletšego lerato, le go hlalala. Segofatša kereke ye nnyane ye. Šegofatša morategi wa rena Ngwanešu Neville, Morena, ge a diša, le go katana tšatši ka tšatši le bošego fa, go leka go dira le—le lefelo go batho go tla le go rapela, go bona Morena Jesu ka go ponagalo ya Gagwe ya lerato le maatla.

²⁰⁵ Šegofatša tirelo ya bošegong bjo, Morena. Tliša tšhegofatšo ye kgolo go rena. Gomme, Tate, re a rapela bjale gore O tla hwetša letago go tšwa go dilo tšohle.

²⁰⁶ Gomme letšatši le lengwe, ge bophelo bjohle bo fedile, theroy a mafelelo e rerilwe, Beibebe e tswaletšwe; ditrompeta di galagaditšwe, dibetša di kgobetšwe, muši wa ntwa o a omelela, letšatši le diketše; ka gona, Tate, re amogele ka Mmušong wa Gago. A nke re tle bjalo ka matšwalaphaga a kgale a mabadi a ntwa. E fe, Morena, gore re kgone go amogela mmele wo moswa, moo re ka se tsogego ra babja gape, goba go ba le go opa ga hlogo goba manyami.

²⁰⁷ Eupša a re beng go botega ka go dilo tše tšohle, ge re sa le mo lefaseng bjale, go dumela, le go bitša dilo tše di sego gona, tše di lego kgahlanong le Lentšu la Modimo, mo o ka rego di be di le gona. Ka gore re kgopela ka go la Jesu Kriste Leina. Amene.

²⁰⁸ Yo mongwe le yo mongwe mo o tla no ikwela boka, a re, “Ke tla no rata go amogela Morena Jesu Kriste. Ga se ka ke ka e dira pele. Ke no nyaka go phagamiša seatla sa ka.” O re, “Nna, ka go phagamiša seatla sa ka, ke a Mo amogela.” Modimo a go šegofatše, kgaetšedi. Modimo a go šegofatše, ngwanešu. Modimo a go šegofatše. Modimo a go šegofatše. Yeo ke... Modimo a go šegofatše, ngwanešu. “Ke nyaka go amogela Morena Jesu Kriste.” Modimo a go šegofatše, kgaetšedi. Modimo

a go šegofatše. Gomme Modimo a go šegofatše. Modimo a go šegofatše. Yeo ke nnete.

²⁰⁹ O nagana ga A kwe seo? O tseba pelo ya gago. Ke Yena Yo a go boditšego go e dira. Yo mongwe gape e re, “Bjale ke—ke nyaka go dumela. Bjale ke—ke re, ‘Morena, ke nyaka go Go amogela gonabjale. Ke nyaka sekqwaparetši sa ka go swinelela, mošola ka go seširo, gore se se tsoge sa šutha. Ke a Go amogela bjalo ka Mophološi wa ka.’” A o ka phagamiša seatla sa gago, yo mongwe gape? Modimo a go šegofatše.

[Ga go selo go theipi—Mor.] . . . Ke eng gona?
 Ge Puku ye kgolo e bulwa, ke eng nako yeo?
 Ge bona bao ba ganago Molaetša wo lehono,
 Ba tla kgopelwa go fa lebaka Ke Eng Nako yeo?

²¹⁰ A nke Morena a le šegofatše bjale. Ge le . . . re ya go ba . . .
 Ke ba bakae mo ba ba swanetšego go rapelelwa, ka bolwetši?
 A re boneng diatla tša lena, e ka ba kae ka moagong, bao ba babjago.



MELEKITSEDEKE, MOKGOMA YO MOGOLO LE KGOŠI NST55-0109M
(Melchisedec, The Great Prince And King)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Janaware 9, 1955, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org